



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: ureddirektora@nps.ba
JU Narodno pozorište Sarajevo
website: www.nps.ba
URED DIREKTORA
Sarajevo, 19.1.2026.
Datum: 05-350/26

Z A P I S N I K
sa devete sjednice Upravnog odbora
JU Narodno pozorište Sarajevo
održane 19.01.2026.godine

Prisutni: Emir Nuhanović, zamjenik predsjednice, Ljubica Pihljak članica
Belma Čečo-Bakrač, članica (ispred ustanove),
Opravidano odsutni članovi Upravnog odbora: Irma Efendić, predsjednica
i Amila Ramović, članica
Edin Mustafić, direktor-odsustvo nije najavljeno
Lejla Bračković, rukovodilac EPS- najavljeno odsustvo

Zbog odsustva direktora, zapisničara i rukovodioca EPS na poziv Zamjenika predsjednice UO sjednici su prisustvovali i: Almin Hrnjica, viši stručni saradnik za pravne poslove, Edina Gajević Dević, viši stručni saradnik, Aldin Omerović v.d. Umjetnički direktor drame, Bečei Ileš umjetnički direktor Opere i Armina Hadžiabdić zapisničar

Osiguran kvorum: prisutna tri člana Upravnog odbora.

Za sjednicu predložen sljedeći:

DNEVNI RED:

1. Usvajanje zapisnika broj 05-311/26 sa osme elektronske sjednice Upravnog odbora NPS održane 16.01.2026. god.
2. Predračun (broj:01-235/26) i obrazloženje (broj:01-235/26) dramske premijere: Christie Ubistvo u Orijent expresu
3. Prijedlog Plana nabavki za 2026. god.
4. Prijava (broj: 13/26) od 06.01.2026.godine
5. Prigovor Albine Huskić (broj: 8023/25) od 26.12.2025.godine
6. Podnesak „Koliba“ d.o.o. (broj: 8046/25) od 29.12.2025.godine u predmetu: Primjena Pravilnika o uvjetima za posebne prostore za pušenje u smislu izuzetaka od zabrane pušenja u klubu-bifeu u suterenu zgrade“
7. Podnesak Nermine Hajrić (broj: 8043/25) od 29.12.2025.godine
8. Pritužba Albine Huskić (broj: 106/26) od 06.01.2026.godine
9. Tekuća pitanja

Zamjenik predsjednice Upravnog odbora Nuhanović Emir predložio je da se u Dnevni red doda i Prigovor Alise Čajić kao tačka 9., te tačka 10. Garderoba, dok će tačka 11. biti Tekuća pitanja. Dnevni red sa izmjenama je usvojen jednoglasno.

Sjednicom predsjedavao Nuhanović Emir, član Upravnog odbora, zamjenik predsjednice

1. Usvajanje zapisnika (broj: 05-311/26) sa osme, elektronske sjednice Upravnog odbora NPS održane 16.01.2026. godine

Upravni odbor JU Narodno pozorište Sarajevo jednoglasno usvaja Zapisnik sa osme sjednice Upravnog odbora JU Narodno pozorište Sarajevo održane godine 16.12.2026. godine (broj: 05-7733/26).

2. Predračun broj 01-235/26 i obrazloženje 01-236/26 dramske premijere: Christie Ubistvo u Orijent expresu

U okviru ove tačke dnevnog reda vođena je diskusija o praksi angažovanja vanjskih saradnika (glumaca, scenografa i drugih umjetničkih saradnika) na projektima JU Narodnog pozorišta Sarajevo, uprkos činjenici da u okviru Pozorišta postoje zaposleni umjetnici. Zamjenik predsjednice Emir Nuhanović istaknuo je da ne postoji ravnomjerna zastupljenost glumaca iz Pozorišta u dramskoj produkciji. Također je iznio stav da su honorari predviđeni za dramsku premijeru Christie Ubistvo u Orijent expresu prilično visoki te izrazio nezadovoljstvo načinom raspodjele angažmana i finansijskih sredstava, smatrajući da se interni kapaciteti pozorišta nedovoljno koriste.

Na navedeno je reagovao v.d. umjetnički direktor Drame Aldin Omerović koji se uključio u diskusiju naglašavajući da se cijena i vrijednost umjetničkog rada ne mogu posmatrati isključivo iz administrativne perspektive.

U daljnoj diskusiji članica Upravnog odbora Belma Čečo Bakrač istakla je potrebu za fleksibilnijim pristupom kada je riječ o ovoj temi. Pozorište ne smije stati sa svojim radom, svojim umjetničkim djelovanjem, ono mora ići naprijed. Istakla je da reditelj, između ostalog, ima pravo da predlaže saradnike koji mu u odnosu na koncepciju predstave na kojoj radi najviše odgovaraju i trebaju. U dogovoru sa umjetničkim direktorom oni iznalaze najbolja rješenja koja svakako trebaju biti najbolja rješenja i za samo Pozorište. Naglasila je da je ova premijera trebala biti realizirana u 2025. godini, izražavajući žaljenje što to nije tako bilo.

V.d. umjetnički direktor Drame Aldin Omerović naglasio je da reditelj predstave ima i pravo da bira saradnike koji mu konceptualno i profesionalno odgovaraju za realizaciju predstave.

Članica Upravnog odbora Belma Čečo Bakrač je konstatovala da je do izvođenja premijere ostalo vrlo malo vremena, da su saradnici već u procesu, probe treba da počnu, te da u ovoj fazi procesa nije moguće vršiti izmjene u pogledu angažovanih saradnika. Zaključila je da ne treba odlagati usvajanje Predračuna.

Upravni odbor se složio da je ova tačka trebala biti uvrštena u Dnevni red ranije, kako bi se eventualne primjedbe i prijedlozi mogli razmatrati pravovremeno i imati praktičan učinak. Praksa da se Predračuni dostavljaju kad je već napravljen trošak ne smije se dešavati.

Upravni odbor stavlja tačku na glasanje: 2 člana ZA- Belma Čečo Bakrač i Ljubica Pihljak, a 1 član PROTIV- Emir Nuhanović.
Emir Nuhanović je zaključio da Prijedlog Predračun broj: 01-235/26 i obrazloženje broj: 01-235/26 dramske premijere: Christie Ubistvo u Orijent expresu nije dobio većinu glasova UO NPS i da samim tim NIJE IZGLASAN.

3. Prijedlog Plana nabavki za 2026. godinu

Predsjednica je prije sjednice u emailu zatražila da se dostavi kvartalni finansijski plan JU Narodnog pozorišta Sarajevo za 2026. godinu, a u vezi sa članom 30. Pravila JU Narodnog pozorišta Sarajevo, te je Emir Nuhanović dao riječ Edini Gajević-Dević, višem stručnom saradniku za ekonomsko-računovodstvene poslove u Ekonomsko-pravnoj službi. Gospođa Gajević- Dević Edina je objasnila članovima Upravnog odbora da radi specifičnosti situacije (istek mandata direktora), kvartalni finansijski plan nije još u potpunosti urađen, te da je data instrukcija svim organizacionim jedinicama da isti u što kraćem roku pripreme, kako bi se objedinio. Imenovana je pripremila godišnji finansijski plan koji treba da prati program rada, te upoznala članove Upravnog odbora da je Plan javnih nabavki za 2026. godinu spreman, a da su po potrebi u toku godine moguće i izmjene istog.

Član Belma Čečo Bakrač konstatuje da još uvijek nije dostavljen Programa rada sa finansijskim planom JU NPS za 2026. godinu, ali s obzirom na to da su programi Pozorišta već najavljeni za naredna tri mjeseca, i da su karte već u prodaji, treba naglasiti da se troškovi moraju predvidjeti i planirati na vrijeme.

U vezi sa Planom javnih nabavki 2026. godine, zamjenik predsjednice Upravnog odbora Emir Nuhanović predlaže da se izmijene pojedine stavke kao npr „klavirska stolica“ i iznos od 6.000, 00 KM, jer bi to moglo dovesti do zabune da stolica toliko košta, a tu je u suštini objedinjena sva oprema vezana za to.

3.1. Upravni odbor konstatuje da se izmijene pojedine stavke Plana javnih nabavki za 2026. godinu, te da se do srijede 21.01.2026. godine dostavi kvartalni finansijski plan.

3.2. Prijedloge izmjena i obrazloženja dostaviti do 21.01.2026. godine kada će se održati radna sjednica.

4. Prijava (broj: 13/26) od 06.01.2026. godine

4.1. Zaprimljena je anonimna prijava broj 13/26 od 06.01.2026. godine, za kršenje odredbi Zakona o prevenciji i suzbijanju korupcije u Kantonu Sarajevo, gdje se traži postupanje.

4.2. Prijavljuje se kršenje odredbi Zakona o prevenciji i suzbijanju korupcije u Kantonu Sarajevo. Upravni odbor se upoznao sa dokumentom.

4.3. Član Belma Čečo Bakrač predlaže i Upravni odbor konstatuje da je najbolje da se direktor Edin Mustafić pismeno očituje po pitanju anonimne prijave, dok zamjenik predsjednice Upravnog odbora Emir Nuhanović predlaže da se za sljedeću sjednicu dostave svi materijali u vezi sa navedenim iz prijave

4.4. Potrebnu dokumentaciju dostaviti do 21.01.2026. godine kada će se održati naredna sjednica.

5. Prigovor Albine Huskić (broj: 8023/25) od 26.12.2025.godine

5.1. U vezi sa Prigovorom Albine Huskić, Upravni odbor traži izjašnjenje od direktora o poduzetim radnjama, te nalaže da se imenovana pismeno obavijesti da je ova tačka dnevnog reda iznijeta na devetoj sjednici Upravnog odbora.

6. Podnesak „Koliba“ d.o.o. (broj: 8046/25) od 29.12.2025.godine u predmetu: Primjena Pravilnika o uvjetima za posebne prostore za pušenje u smislu izuzetaka od zabrane pušenja u klubu-bifeu u suterenu zgrade“

Upravni odbor smatra da Podnesak „Koliba“ treba ostaviti za narednog direktora te nalaže da se pismeno odgovori da će se dogovor postići kada bude izabran novi direktor JU Narodnog pozorišta Sarajevo.

7. Podnesak Nermine Hajrić, radnice NPS (broj: 7903/25) od 15.12.2025.godine

Upravni odbor jednoglasno zaključuje da se u ovom konkretnom slučaju treba uspostaviti bolja komunikacija između radnika i direktora, da treba da postoji bolji plan rada, te da se uvede evidencija radnika kojom će se ovaj problem riješiti.

8. Pritužba Albine Huskić (broj: 106/26) od 06.01.2026.godine

Upravni odbor Narodnog pozorišta je ovu tačku dnevnog reda obijedinio zajedno sa tačkom 5. Kako je riječ o ozbiljnim navodima mole da direktor pismeno informiše Upravni odbor o poduzetim radnjama.

9. Prigovor Alise Čajić

Upravni odbor traži da se do sljedeće sjednice skenira i dostavi izjašnjenje komisije za prijem u radni odnos na prigovor Alise Čajić kao i Poslovnik o radu Komisije o izboru prijema u radni odnos.

Upravni odbor ne raspolaže svim informacijama, te se tačka prebacuje na sljedeću sjednicu.

10. Analiza stanja u Garderobama

10.1. Zamjenik predsjednice predlaže da se osposobi publička garderoba sa desne strane u zimskom peridu radi zimskih uslova, da se dostave svi računi i troškovi renoviranja istih, te da se utvrdi šta se sve nalazi u garderobama,

10.2. Članica Belma Čečo Bakrač predlaže da se jednoobrazno označe sve gardarobe, kancelarije i radna mjesta.

11. Tekuća pitanja

11.1. Upravni odbor traži da se u što kraćem roku dostavi Izvještaj o radu, kao i finansijski izvještaj, za 2025. godinu, radi zakonskog roka do kada se isti mora predati u Ministarstvo kulture i sporta Kantona Sarajevo.

11.2. Upravni odbor naglašava da je na 8. elektronskoj sjednici Upravnog odbora JU Narodnog pozorišta Sarajevo održanoj 16.01.2026. godine, usvojen Nacrt Odluke o izmjenama i dopunama Pravila JU Narodno pozorište Sarajevo te da je isti dostavljen na mišljenje Sindikalnoj organizaciji JU Narodno pozorište Sarajevo kao i Ministarstvu kulture i sporta. Nakon dostavljenog mišljenja, pristupiti će se detaljnjoj analizi i obradi istog.


11.3. Upravni odbor traži da se dostave svi materijali (ugovori) za festival Svem za 2023., 2024. i 2025. godinu.

11.4. Upravni odbor jednoglasno traži da se formira nova Komisija za vanredni popis inventara i opreme u prostorijama Narodnog pozorišta Sarajevo te da se donese Zaključak o zabrani iznošenja bilo kojih stvari, opreme i inventara dok se ne završi popis. Za ovu obavezu zaduženi su radnici koji se nalaze na radnom mjestu Vatrogasac u sklopu Odjela sigurnosti, energetike i održavanja.

Sjednica održana u Biblioteci

Trajanje sjednice: 10,00-12,00

Članovi Upravnog odbora:



arajevo
a/a